

ԳԵՂԱԳԻՏՈՒԹՅՈՒՆԸ ԷՒՆ ՀԱՅԱՍՏԱՆՈՒՄ

Ս. Ա. ՎԱՐԴԱՆՅԱՆ

Աշխարհի բաղաբակիրթ ազգերի բժշկության նման հայ բժշկությունը ևս ստեղծվել է հաղարամյակներ առաջ, ժողովրդական փորձի հիման վրա և կրելով Արևելքի ու Արևմուտքի առաջավոր բժշկական դպրոցների (հունա-հռոմեական և արաբական) բարերար ազդեցությունը, մշակել է բուժական սկզբունքների ուրույն համակարգ, որն ամանդական բնույթ ունի:

Թեպետ նրա տեսական դրույթները գերծ չեն անտիկ հումորալ ախտաբանության ազդեցությունից, սակայն մինչև իսկ այս ասպարեզում XII դարի նշանավոր հայ բժշկապետ Մխիթար Հերացին, կանխակազմելով արտաքին, «օտար» կամ իր իսկ սեփական արտահայտությամբ՝ «բորբոսային» գործոնների դերը ջերմերի կամ սուրվարակիչ հիվանդությունների, ալերգիաների և ուռուցքների առաջացման պրոցեսում, լայնացրել է անտիկ բժշկության հումորալ պատկերացումները հիվանդությունների պատճառների վերաբերյալ:

Հայ միջնադարյան բժշկության ինքնուրույնությունն առավել ցայտուն դրսևորվել է դեղագիտության բնագավառում, որտեղ կուտակվել են ժողովրդական բուժականների և դասական բժշկության ներկայացուցիչների դարավոր փորձն ու գիտելիքները Հայաստանի բնաշխարհիկ բույսերի, կենդանիների և անբային նյութերի վերաբերյալ: Վերջիններս հայտնի էին Հին աշխարհին և հիշատակվել են անտիկ (Հերոդոտ, Քսենոփոն, Ստրաբոն) և հայ պատմիչների (Մովսես Խորենացի, Ղազար Փարպեցի, Թովմա Արծրունի) գործերում: Հայկական բնաշխարհի դեղանյութերը բարձր գնահատականի են արժանացել հունա-հռոմեական բնագիտության խոշորագույն ներկայացուցիչներ Դիոսկորիդեսի, Պլինիոսի, ինչպես նաև արաբական բժշկության «իշխանաց իշխան» Իբն Սինայի կողմից²:

Արաբական բժշկության տիրապետության օրոք ավելի ուժեղացան կապերն Արևելքի առաջադեմ բժշկական դպրոցների միջև, և բազմաթիվ դեղամիջոցներ, որոնք մինչ այդ դտնվում էին այս կամ այն բժշկական համակարգի նեղ շրջանակների մեջ, մատչելի էին դառնում շատերին: Նշված երևույթը նկատվում է նաև հայ միջնադարյան բժշկության խոշորագույն ներկայացուցիչներ Մխիթար Հերացու³ և Ամիրդովլաթ Ամասիացու⁴ գործերում, որտեղ նկարագրված են ոչ միայն պատմական Հայաստանի, այլև հարևան

1 Л. Оганесян, История медицины в Армении, т. 1, Ереван, 1946, էջ 46—62:

2 Ибн Сина, Канон врачебной науки, кн. II, Ташкент, 1956, էջ 227, 303:

3 «Մխիթարայ բժշկապետի Հերացույ Զերմանց մխիթարութիւն», Վենետիկ, 1832:

4 Ամիրդովլաթ Ամասիացի, Օգոտ բժշկութեան, խմբ. Ս. Մալխասյանցի, Երևան, 1940: Նույնի՝ Ախրայատին, Մաշտոցի անվ. Մատենադարան, ձեռ. N. N. 414, 453, 454: Նույնի՝ Անգիտաց անսկտ, խմբ. Կ. Բասմաջյանի, Վիեննա, 1926:

երկրներին՝ Հունաստանի, Վրաստանի, Պարսկաստանի, Հնդկաստանի և Զինաստանի ղեղանշություններ:

Մեր անցյալի բժշկապետների ձեռագիր աշխատություններին՝ բժշկարանների ուսումնասիրությունը ժամանակակից գիտնականին հնարավորություն է տալիս ծանոթանալ հայ միջնադարյան ղեղագիտության հարստություններին և հատկապես ղեղաբույսերին: Վերջին տարիներին Մատենադարանում մեր կատարած ձեռագիր բժշկարանների սիստեմատիկ ուսումնասիրությունը ցույց տվեց, որ բուսաբուժությունը հնում հայերի մոտ հասել էր զարգացման բարձր աստիճանի, ըստ որում հաջողվեց հայտնաբերել մի խումբ ղեղաբույսեր, որոնք օգտագործվել են Մխիթար Հերացու և Ամիրզիվաթ Եմասիացու մոտ ինֆեկցիոն-ալերգիկ հիվանդությունների, ուռուցքների և մի շարք այլ հիվանդությունների բուժման համար: Վերոհիշյալ ղեղաբույսերի ժամանակակից լատիներեն և հայերեն անունները պարզել ենք միջնադարյան հայերեն, հունարեն, լատիներեն, արաբերեն ու պարսկերեն տերմիններին* վերլուծության շնորհիվ, Արմենակ Բեղկյանի⁶ բազմալեզվյան բառարանի օգնությամբ, ինչպես նաև բուսաբանական նկարագրությունների և բժշկական տվյալների հիման վրա, որոնք պահպանվել են ձեռագրերում: Վերջիններիս համեմատությունն արդի բիմիական, ղեղագիտական և կլինիկական հետազոտությունների արդյունքների հետ նոր լույս է սփռում նշված ղեղաբույսերի ազդեցության և միջնադարյան հայ բժշկության ընդհանուր սկզբունքների վրա:

Այս տեսակետից հարուստ նյութ է ներկայացնում Մխիթար Հերացու գիտական ժառանգությունը, թեպետ մեզ է հասել այդ ժառանգության միայն մի մասը՝ հիմնականում «Ջերմանց մխիթարութիւն» գիրքը, սակայն դա էլ բավական է «մեծ Մխիթարի», ինչպես նրան կոչել են ժամանակակիցներն ու հետագա սերունդները, բուժական միջոցների մասին պատկերացում կազմելու համար: Այսպես, օրինակ, «Ջերմանց մխիթարութիւն» երկում ջերմերի բուժման համար նա առաջարկել է հետևյալ ղեղատոմսը. «Առ մարզանկուշ և բաբունիճ և նամամ. զայս զամէնս եփէ ջրով և զգլուխն ի վերայ շոգույն կալ»⁷: Սրանից բացի Մխիթար Հերացին խորհուրդ է տալիս. «Ապա թէ առնուս մարզանկուշ և սամիթ և սիսամբար, ջրով եփես և զմարմինն եղկացնելով լուանաս, շատ օգտակար է: Եւ երբ ի բաղանեացն ելանէ, առ սամիթ ձէ՛լ: և խրի ձէ՛թ կամ պապունածի ձէ՛թ և զգլուխն օծանէ, շատ օգտակար է»: Իբրև ղեղամիջոց ջերմերի ժամանակ օգտագործվում էր նաև վարդի, մանուշակի, ջրաշուշանի ու քաֆուրի ձեթը: «Եւ զմուփառեհ մաճունն, որ է խնդացնող, որ քաֆուրիայ ասեն, յար ի բանի պահէ», — գրում է Մխիթար Հերացին⁸:

5 Ս. Վարդանյան. Հայ միջնադարյան բժիշկները ուռուցքների և նրանց բուժման մասին, «Պատմա-բանասիրական հանդես», 1976, № 3, էջ 133—144: С. Варданян, Фитотерапия мочекаменной болезни, по данным средневековых армянских рукописей. «Биологический журнал Армении», 1978, XXXI, № 1, էջ 73—82: С. Варданян, Фитотерапия бронхиальной астмы в средневековой армянской медицине, «Терапевтический архив», 1978, № 4, էջ 133—136:

* Բժշկարանում օտար տերմինները տրվում են հայերեն տառադարձությամբ:

⁶ A. Bedevian, Illustrated polyglot Dictionary of plant names, Cairo, 1936:

⁷ «Մխիթարայ բժշկապետի Հերացույ Ջերմանց մխիթարութիւն», էջ 10:

⁸ Նույն տեղում, էջ 19:

Միջնադարյան Հայ բժշկության մեջ ինֆեկցիոն-ալերգիկ հիվանդությունների բուժման համար օգտագործված դեղաբույսեր

Բուսաբանական ընտանիքը	Ժամանակակից լատիներեն տերմինը	Միջնադարյան տերմինը (հայերեն, հունարեն, լատիներեն, արաբերեն, սլավոնական)	Ժամանակակից հայերեն տերմինը	Հիվանդությունը
Apiaceae	1. Heracleum sphondylium L.	սուղճոտուլիոն سفندليون (լատ. Sphondylium-ից)	ականթ վալրի	շերմ, բրոնխիալ ասթմա
	2. Tordylium officinale L.	սալսալիոս ساسالى (հուն. σέσαλι-ից)	շակակուլ, բոդ կրետական	բրոնխիալ ասթմա
	3. Coriandrum sativum L.	զինձ, բուզպարա کزبر	զինձ	ջերմ, եղնշատենդ
	4. Carum carvi L.	քարալիայ, քամոնի կերմանի کرويا կոմոն արմենի (լատ. Carvi, հուն. Κόρυμβος-ից)	շաման հայոց	ջերմ
Asteraceae	1. Chamomilla officinalis G. Koch.	զետնի խնձոր, իրիցուկ, պապուխաڤاپونچ	խնձորխոտ, իրիցուկ	ջերմ, եղնշատենդ
	2. Artemisia cina Berg.	շէն հորասանի شیح خراسانى	եղենահունդ, որդնաղեղ	բրոնխիալ ասթմա
	3. Inula helenium L.	անտուղ, կղմուխ, բոսասան راسن	անտուղ, կղմուխ	ջերմ, բրոնխիալ ասթմա
Cupressaceae	1. Callitris quadrivalvis Vent.=Thuja articulata Vahl.	սանդղարուտ سندروس (հուն. σενδρόα-ից)	խալսանոձի	բրոնխիալ ասթմա
	2. Juniperus communis L.	լարլար Երբ	զի, զիճի	ջերմ, բրոնխիալ ասթմա
Lamiaceae	1. Mentha pulegium L.	վալրի դաղձ, ֆոլթանաڤودنج	վալրի դաղձ	ջերմ, եղնշատենդ
	2. Origanum majorana L. =Majorana hortensis Moench.	մարդանկաւ۲ مرزنجوشی (լատ. Majorana-ից)	մարդանկոշ	ջերմ, եղնշատենդ
	3. Hyssopus officinalis L.	մշտիկ, դոֆա Դոڤا	մշտիկ	բոքախոտ, բրոնխիալ ասթմա
	4. Thymus capitatus Hoff. et Link.	հաշա۱ حاشا	ձիածոթրին, կրետական ձոթրին	բրոնխիալ ասթմա
	5. Marrubium vulgare L.	ֆարասիոն فراسيون (հուն. μαρσίον-ից)	խորտակ ձոթրին	բրոնխիտ, բրոնխիալ ասթմա

Հայ միջնադարյան բժշկության մեջ երիկամի և միզափամփուշտի հիվանդությունների բուժման համար կիրառվող դեղատույսեր

Բուսաբանական ընտանիքը	ժամանակակից լատիներեն տերմինը	Միջնադարյան տերմինը (հայերեն, հունարեն, լատիներեն, արաբերեն, սլավոներեն)	ժամանակակից հայերեն տերմինը	Հիվանդությունը
Apiaceae	1. Apium graveolens L.	քարթս کرفس	լախուր, նեխուր	երիկամի բորբոքում և քար
	2. Anethum graveolens L.	շիպի شيبث	սամիթ	երիկամի և միզափամփուշտի բոր- բոքում
	3. Anethum foeniculum L.	բոաղիան رازیان	հոտոմ սամիթ	երիկամի քար
	4. Ammi copticum Bolss. = Ptychotis ajowan DC.	նանխուڤ نمنخوه	հացադեղ	երիկամի քար
	5. Carum carvi L.	զերա, քարալիայ کرویلا	չամտն հայոց	երիկամի բորբոքում և քար
	6. Anisum vulgare Gaertn. = Tragiun anisum Link.	տարալիոն (հուն. ταραχων-ից)	անիսոն	երիկամի և միզափամփուշտի քար
	7. Petroselinum oreoselinum Moench.	ֆատրսալիոն (հուն. πετροσελινου-ից)	վալրի կարոս	երիկամի և միզափամփուշտի քար
	8. Sium latifolium L.	զուտաթ բլ քայն قره العين	ջրակարոս	երիկամի և միզափամփուշտի բորբոքում
Asteraceae	1. Artemisia abrotanum L.	զայսում قيصوم	սև օշինդր	երիկամի քար
	2. Artemisia vulgaris L.	բրանճասիֆ, շավիլա شويلاء برنجاسف	բարձուենիկ, դեղածաղիկ	երիկամի և միզափամփուշտի բորբոքում և քար
Lamiaceae	1. Origanum dictamnus L. = Dictamnus creticus Esp.	մուշքարամդէճ مشکطر امشيع	խանթեփար, կրետաբույս	երիկամի և միզափամփուշտի բորբոքում և քար
	2. Thymus plaber Mill.	նամամ خاتم	կարավախոտ, վարսամ	միզափամփուշտի քար
Piraceae	1. Pinus pinea L.	հասլ ի սանուպար ի քիպար حب الصنوبر ال كبير	սոճի հովանոցակերպ	երիկամի քար
	2. Pinus sylvestris L.	հասլ ի սանուպար حب ال صنوبر	սոճի	երիկամի և միզափամփուշտի բորբոքում
	3. Cedrus deodara Loud.	աէվսար (լատ. Deodora-ից)	աիվսար	երիկամի քար

Այս բույսերից շատերը հիշատակվում են միջնադարյան Հայաստանի երկրորդ հուշակավոր բժշկապետ Ամիրդովլաթ Ամասիացու «Ուսումն բժշկության» (1469), «Ախրապատին» (1481) և «Անգիտաց անպէտ» (1482) գործերում: Հույն և հետագայում արաբ բժիշկ-ճանապարհորդների կամ պերիդեսների օրինակով Ամիրդովլաթն անցել է երկրից երկիր և իր ճամփորդություններից դեղաբույսեր բերել ու ներմուծել պրակտիկ բժշկության մեջ և դեղագիտությանն: Նրա № 1 աղյուսակում դետեղված են Մխիթար Հերացու և Ամիրդովլաթ Ամասիացու բժշկարաններում ջերմերի և մի քանի այլ ինֆեկցիոն-ալերգիկ բնույթի հիվանդությունների բուժման համար օգտագործված դեղաբույսեր:

Բերված տվյալների վերլուծությունը ցույց է տալիս, որ վերոհիշյալ բույսերը հիմնականում պատկանում են եթերային յուղերով հարուստ բուսաբանական ընտանիքներին՝ *Apiaceae*, *Asteraceae*, *Cupressaceae*, *Lamiaceae*, *Pinaceae*, *Rosaceae* և այլն: Սրանց եթերային յուղերի կազմի մեջ են մտնում, համաձայն ժամանակակից գիտության տվյալների, սերպենային շարքի ածխաջրածիններ և վերջիններիս՝ թթվածին պարունակող ածանցյալներ (պինեն, կամֆեն, ֆելանդրեն, սեսքվիտերպեն, թիմոլ, կարվակրոլ, բոռնեոլ, սեսքվիարտեմիդոլ), որոնք օժտված են մանրէասպան, հակաբորբոքային և հակաալերգիկ հատկություններով: Մանրէասպան ակտիվություն ցուցաբերող բույսերի վերջին տարիներին անցկացրած հետազոտությունը հայտնաբերեց բնական ծագում ունեցող սեսքվիտերպենային լաբտոնների կարևոր դերը այդ պրոցեսում:

Ձեռագիր բժշկարաններում հիշատակվող վերոհիշյալ դեղաբույսերի ուսումնասիրության ընթացքում պարզվեց մեկ այլ օրինաչափություն ևս: Եթերային յուղերով հարուստ դեղաբույսերը, վերոհիշյալ հիվանդություններից բացի, լայն կիրառում են ունեցել բոլոր այն հիվանդությունների բուժման համար, որոնց էտիոպաթոգենն էլ մեծ դեր են խաղում ինֆեկցիոն-ալերգիկ գործոնները: Այսպես, օրինակ, Ամիրդովլաթ Ամասիացին երկկամների և միզափամփուշի բորբոքային հիվանդությունների և քարերի բուժման համար խորհուրդ է տվել օգտագործել *Apiaceae*, *Asteraceae*, *Lamiaceae* ընտանիքներին պատկանող մի խումբ դեղաբույսեր (տե՛ս աղ. 2):

Ամիրդովլաթ Ամասիացու գործերում եթերայուղային դեղաբույսերը կիրառվել են նաև նյարդային համակարգի հիվանդությունների բուժման նպատակով, օրինակ՝ էպիլեպսիայի, ներիտի, էնցեֆալիտի դեպքում, որոնց ծագումը կապված է ինֆեկցիոն գործոնների կամ էլ բորբոքային պրոցեսի մնացորդային երևույթների հետ (տե՛ս աղ. 3):

Ամփոփելով 1, 2 և 3 աղյուսակներում բերված տվյալները, հանգում ենք այն եզրակացության, որ միջնադարյան հայ բժշկության մեջ մշակված էր ու լայն կիրառում էր գտել էտիոպաթոգենետիկ թերապիայի սկզբունքը, ըստ որում հնում, ինչպես այժմ էլ, առաջնակարգ տեղ էին զրավում համընդհանուր, «ունիվերսալ» բնույթի մանրէասպան և հակաբորբոքային դեղամիջոցները, որոնք զուրկ էին նեղ, սպեցիֆիկ ազդեցությունից:

⁹ С. Вичжанова, В. Адгина, С. Изосимова, Антибактериальные и анти-фунгальные свойства природных лактонов, «Растительные ресурсы», 1977, № 3, էջ 428—436:

Հայ միջնադարյան դեղագիտության մեջ հյարդային համակարգի հիվանդությունների բուժման համար կիրառվող դեղաբույսեր

Բուսաբանական ընտանիքը	Ժամանակակից լատիներեն տերմինը	Միջնադարյան տերմինը (հայերեն, հունարեն, լատիներեն, արաբերեն, պարսկերեն)	Ժամանակակից հայերեն տերմինը	Հիվանդություններ
Apiaceae	1. Coriandrum sativum L. 2. Heracleum sphondylium L. 3. Lagoecia cuminoides L.	գինձ, բուզդարա کزبر սուզունտուլիոն سفند لیون զրամանայ قمر دمازا (հուն. աքթճալալոս-ից)	գինձ ականթ վալրի վալրի բարավլ	Լպիլեպսիա Լպիլեպսիա Նեվրիտ, Լպիլեպսիա
Asteraceae	4. Tordylium officinale L. 5. Prangos ferulaceae (L.) Lindl. 1. Matricaria parthenium L. = Chrysanthemum parthenium Bernth. 2. Aster tripolium L. = Aster atticus Pall. 3. Anacyclus pyrethrum DC. 4. Conyza dioscorioides Desf. 5. Inula conyzoides DC. 6. Inula helenium L.	սալսալիոս ساسالی լիդանուտա (հուն. Ալճալոս-ից) ախհաւան اقحوان աստարասիլաւ اسطر ادلیقوس (հուն. աս-լըր ատ-լոս-ից) ակրկարհա عاقر قمر حا պարնուֆ برنوف շահպանկ, տիպախ طباق կզմուխ, անաուզ, բուսսան رسال	շակակուլ, բոզ կրեաական բոխի, պրանդոս մաձնի ծաղիկ, արզանդախոտ ասաղիկ իզարոզ, ակրկարհա կաավախոտ լուախոտ, շահպանակ կզմուխ, անաուզ	Նեվրիտ, Լպիլեպսիա Լնցեֆալիտ, Լպիլեպսիա Նեվրիտ, Լպիլեպսիա, միգրեն Լնցեֆալիտ, Լպիլեպսիա
Cupressaceae	1. Juniperus communis L. 2. Juniperus sabina L.	չարյար عرعر վալրի սարվ, ուպհուլ ادخال	գին, գինի ցիրզ, ցրզենի	Լպիլեպսիա Լպիլեպսիա
Lamiaceae	1. Hyssopus officinalis L. 2. Lavandula stoechas L. 3. Mentha pulegium L. 4. Ocimum basilicum L. 5. Origanum dictamnus L. 6. Origanum majorana L. 7. Sideritis syriaca L. = S. taurica Steph. et Willd.	մշտիկ, դուֆա زوفا ասաուխոսոս, կզնախոր اسطوخودس (հուն. ստուլլոս-ից) վալրի պաղձ, ֆուլանաձ فودنج պատրուձ باذروچ մուշքարամձէ՜ مشكتر امشيع մարզանկուշ مرزنجوش դուսաուլ (լատ. Cestrum-ից)	մշտիկ կզնախոր վալրի պաղձ արքայիկ, ուհան խանթեփար, կրեաաբույս մարզանկոշ դոզսչույս, Երնջա	Լպիլեպսիա Նեվրիտ, Լնցեֆալիտ, Լպիլեպ- սիա Լպիլեպսիա Լպիլեպսիա Լպիլեպսիա Նեվրիտ Ուպիկուլիտ, Լպիլեպսիա

Իթերային յուղերից բացի, այս բույսերից շատերը, մասնավորապես նրանք, որոնք սերվում էին *Apiaceae* և *Fabaceae* ընտանիքներից, պարունակում են այլ բիոլոգիական ակտիվ նյութեր: Այս շարքին են պատկանում կումարինը, ֆուրոկումարինը և սրանց ածանցյալները, որոնք ընդհանուր հակաբորբոքային և մանրէասպան ազդեցության կողքին օժտված են, ըստ միջնադարյան հայ բժշկարանների տվյալների, նաև հակաուռուցքային, հիպոտենզիվ (արյան ճնշումը իջեցնող), հակացնցումային, սեղատիվ (հանգստացնող) և լիտոլիտիկ (քար լուծող) հատկություններով: Վերոհիշյալ դեղաբույսերը հիշատակվում են Ամիրդովլաթ Ամասիացու գործերում իբրև սպեցիֆիկ դեղամիջոցների ուռուցքների, երիկամի քարերի և նյարդային համակարգի հիվանդությունների համար, մտնելով բժշկարանների բարդ դեղատոմսերի կազմի մեջ:

Մի հետաքրքրական հանգամանք ևս. նշված բուսաբանական ընտանիքները հարուստ են խիժաբեր բույսերով, որոնց խեժերը նույնպես կիրառվում էին միջնադարյան հայ բժշկության մեջ վերոհիշյալ հիվանդությունների բուժման նպատակով (տե՛ս աղ. 4): Այս հանգամանքը մտածել է տալիս, որ խեժերն իրենց քիմիական բաղադրության մեջ պարունակում են նման բիոլոգիական ակտիվ միացություններ: Եվ, իսկապես, վերջին տարիներին կատարած քիմիական, դեղագիտական և կլինիկական հետազոտությունները ցույց են տվել, որ խեժերից քաղբանը, պզոտին ու չսրահոտ բոխին հարուստ են կումարինի ածանցյալներով և իթերային յուղերով: Այսպես, օրինակ, *Ferula galbaniflua* Bohse. բույսի խեժից քաղբանից (ըստ միջնադարյան տերմինաբանության՝ դինայից) ստացված զաղբանաթթուն կամ քաղբանաթթուն իրենից ներկայացնում է ումբելիֆերոնի ածանցյալ, որն օժտված է հիպոտենզիվ, լիտոլիտիկ և սեղատիվ ներգործությամբ: Պետք է նշել նաև, որ վերջինիս կազմության մեջ առկա է սեքսավիտերոսինային բաղադրամասը՝ մանրէասպան ազդեցությամբ:

Ամիրդովլաթ Ամասիացու աշխատությունների և հատկապես «Անգիտայ սնպէտ» գրքի ուսումնասիրությունը ցույց տվեց, որ *Apiaceae* և *Fabaceae* ընտանիքներից մի շարք դեղաբույսեր, այդ թվում նաև խեժեր, հնում կիրառվել են զանազան բարորակ ու չարորակ ուռուցքների բուժման համար (տե՛ս աղ. 5): Արդի բժշկության տվյալներով, կումարինի ու ֆուրոկումարինի ածանցյալներն օժտված են հակաուռուցքային՝ կոլսիցինանման հատկություններով: Ամիրդովլաթ Ամասիացին խորհուրդ է տվել օգտագործել «Եարպատուր» կամ մարգացնձու բույսը (*Peucedanum officinale* L.) մաշկի և ներքին օրգանների ուռուցքների բուժման նպատակով: Հետաքրքրական է նշել, որ հայ մեծ բժշկապետից կես հազարամյակ հետո արդի ուռուցքաբանության մեջ նորից հայտնաբերվեց *Peucedanum officinale* L. բույսի հակաուռուցքային ակտիվությունը և նրանից պատրաստվեց պեուցնդանին պրեպարատը, որը պարունակում է կոլսիցինանման ներգործությունը օժտված $C_{15}H_{14}O_4$ ֆուրոկումարին:

Միջնադարյան հայ բժշկարանների բարդ դեղատոմսերում տեղ են գտել նաև մի խումբ դեղաբույսեր, որոնք ունեն հորմոնանման հատկություններ (տե՛ս աղ. 6): Այս հանգամանքը նպաստել է սրանցից մի քանիսի (լուտակի,

Հայ միջնադարյան դեղագիտության մեջ կիրառվող խիժաբեր դեղաբույսեր

Բուսաբանական ընտանիքը	Ժամանակակից լատիներեն անունը	Միջնադարյան անուններ (հայերեն, հունարեն, լատիներեն, արաբերեն, սլավոներեն)	Ժամանակակից հայերեն անունը	Հիմնականություններ
Apiaceae	1. Ferula garbaniflua Bohse.	դինայ دڭڭ	բադրան, բարկժառ	Լպիկեպսիա, սաղիկուլիտ, երիկամի քար
	2. Ferula szowitsiana DC.	սեբդինա س. سبڭ	սղոտի, նարդիս սլավոնացին	Լպիկեպսիա, նեվրիտ, երիկամի քար
	3. Ferula assa-foetida L.	Հիթիս حلتيس	բոխ չարահոտ	Լպիկեպսիա, նեվրիտ, երիկամի քար, քրոնիտ, ուռուցք
	4. Dorema ammoniacum Don.	աշախ, վաշախ الاشق	օշակ	Լպիկեպսիա, սաղիկուլիտ, ուռուցք
	5. Opopanax chironium Koch.	ճաշիր جاشير	ճաշիր	Լպիկեպսիա, սաղիկուլիտ
Burseraceae	1. Commiphora opobalsamum Engl.	բալսամ بلسم (հուն. βάλσαμον-ից)	բալսամահառ, աղբոսամ	Հիպերտոնիա, Լպիկեպսիա, սա- ղիկուլիտ, բրոնխիալ ասթմա, երիկամի քար
	2. Commiphora myrrha Engl.	մուռ, դմուռ مر (հուն. μύρρον-ից)	դմոսենի	նեբրալյին համակարգի հիվան- դություններ
	3. Commiphora africana Engl.	մուղլ مقل	քարախենկենի	սաղիկուլիտ, երիկամի քար, ու- ռուցք
	4. Boswellia papyrifera Hochst.	խոնկ, բուխուր کندر	կնդրուկենի	երիկամի քար, կրծքագեղձի ու- ռուցք
Rosaceae	1. Cerasus mahaleb Mill.= Prunus mahaleb L.	մահլապ محلب	շշի, լեվշոք	սաղիկուլիտ, ուռուցք, միզա- փամփուռի քար
	2. Prunus cerasus L.	բալի, կեռաս, դարասիա قرصيا (հուն. γέρασσα-ից)	կեռասենի	միզափամփուռի քար
	3. Amygdalus amara Hayn.= Prunus amygdalus Stokes.	լավզ ըլ մուռ, լեղի նուշ لوزمر	լեղի նշենի	նզնջատենդ, միզափամփուռի քար

Միջնադարյան հայ բժշկության մեջ կիրառվող հակառուսուցքային դեղատույսեր

Բուսաբանական ընտանիքը	ժամանակակից լատիներեն տերմինը	Միջնադարյան տերմինը (հայերեն, հունարեն, լատիներեն, արաբերեն, սլավոներեն)	ժամանակակից հայերեն տերմինը	Հիվանդությունը
Apiaceae	1. Peucedanum officinale L.	հարպատուր يريطور	մարգարիտ	մաշկի և ներքին օրգանների ուռուցք
	2. Echinophora tenuifolia L.	դոֆայրա زوفر	փշակիր	լյարդի ուռուցք
	3. Eryngium campestre L.	ղարստնաթ, երնջան قرصعنه	երնջնակ, երնջան	մաշկի ուռուցք
	4. Bunium bulbocastanum L.	տարսար آاكثر	ոկտնի պտուղ, երկրատակ	մաշկի ուռուցք
Fabaceae	1. Trigonella foenum-graecum L.	հուլպա حلبة	հուլ համեմ	կրծքագեղձի ուռուցք
	2. Ervum ervilia L.	բրշաննայ, բուշնա كرسنه	փիկ սև, քիսամն	կրծքագեղձի ուռուցք
	3. Melilotus officinalis Lam.	արիլ մեկիթ الملك	մեղրածուծ, իշառվույտ	մաշկի և սառմոքսի ուռուցք

սև գնդիկի) պաշտամունքի առաջացմանը հին Հայաստանում¹⁰։ Պետք է նշել, որ հորմոնանման դեղաբույսերը հնում, ինչպես և հորմոնալ պրեպարատներն աւսօր հիմնականում օգտագործվում են այնպիսի հիվանդությունների բուժման համար, որոնց էտիոպաթոգենեզում կարևոր դեր են խաղում էնդոկրին գործոնները։ Սրանցից մի մասը բժշկարաններում հանդես է դալիս իբրև «կանանց արին բացող», «տղան ձգող», «տղան լինել շթողող» հակահոնդոտրոպ դեղամիջոցներ. օրինակ՝ քսրասերմնիկը կամ միջնադարյան տերմինաբանությամբ դուլպը—*Lithospermum officinale* L., չանճարը—*Anchusa tinctoria* L., արևադեմը (սամիր եամայ)—*Heliotropium europaeum* L., իջավարտնգը (դսսայ ըլ հիմար)—*Ecballium elaterium* (L.) Rich., սև գնդիկը, շոնիկը—*Nigella sativa* L. և հարմալը, սպանդը—*Peganum harmala* L.։ Մյուսներից իբրև «մերձաւորութիւն շարժող» աֆրոդիզիակներ ճանաչում էին գտել հասակը կամ տատաշը—*Tribulus terrestris* L., վայրի առվույտը (հանդաղուղ)—*Trigonella corniculata*, իսկ լոշտակը—*Bryonia alba* L. և տատաշը կիրառվել են նաև «կաթ շատացնելու» նպատակով։

Նշված բույսերի ժամանակակից քիմիական և դեղագիտական ուսումնասիրությունը ցույց տվեց, որ սրանց հորմոնանման հատկությունները կապված են մի շարք բիոլոգիական ակտիվ նյութերի առկայության հետ, ինչպիսիք են կոմարինները, ֆուրոկումարինները, ստերինները, ստերոյդ բաղադրանքները, ֆենոլկարբոնաթթուները և ֆենոլային այլ միացությունները, ստերոյդ գլյուկոզիդները և ալկալոյիդները։ Այսպես, օրինակ, քսրասերմնիկի (դուլպի) հակահոնդոտրոպ ազդեցությունը և նրա հակաուռուցքային ակտիվությունը հորմոնալ կախում ունեցող ուռուցքների նկատմամբ կապված է լիտոսպերմաթիվի պոլիմերների հետ, որոնք պատկանում են ֆենոլկարբոնաթթուների շարքին¹¹։ Կպրաբույր երեքնուկի (տրնֆիլ)—*Psoralea bituminosa* L. էստրոգեն հատկությունները պայմանավորված են ֆուրոկումարինների (փսոռալենի և իզոփսոռալենի), ինչպես նաև դրուպացին կոշվող ֆենոլային միացության ազդեցությամբ։ Մատուտակը—*Glycyrrhiza glabra* L. արտույրում է, ֆլավոնոյիդներից բացի, գլիցիրիլինային և գլիցիրիտինային թթուներ, որոնք իրենց կառուցվածքով և ներգործությամբ մոտ են կորտիզոնին։ Լոշտակի (ֆաշարայ) և իշավարտնգի (դսսայ ըլ հիմար) հորմոնանման հատկությունները սերտորեն կապված են ստերոյդ գլյուկոզիդներ բրիոնոլի և էլատերինի հետ։

Այսպիսով, ժամանակակից գիտության բարդ մեթոդներով ստացված տրոհումները հաստատում են միջնադարյան հայ բժշկության տվյալները, վերստին հավաստելով այն ճշմարտությունը, որ «ամեն մի նոր՝ լավ մոտացված հիմն է»։

Ձևագիր բժշկարանների բարդ դեղատոմսերում հաճախ հանդիպում են անտիտոքսիկ, դեմենսիրիլիպացնող հատկություններով օժտված դեղաբույսեր (տե՛ս աղ. 7)։ Սրանցից մի քանիսը՝ լոշտակը, տատաշը և վաղենակը—*Calendula officinalis* L. ունեն նաև հորմոնանման, իսկ մյուսներից՝

¹⁰ Л. Оганесян, История медицины в Армении, т. I, Ереван, 1946, էջ 71։

¹¹ В. Дильман, И. Кожина, Л. Ключникова, И. Кибальнич, Ю. Кусов. Исследование свойств и состава воробейника лекарственного. Перспективы использования в онкологии, «Вопросы онкологии», 1968, XIV, № 7, էջ 86—91։

Հայ միջնադարյան բժշկության մեջ կիրառվող հորմոնանման հատկություններով օժտված դեղաբույսեր

Բուսաբանական ընտանիքը	Ժամանակակից լատիներեն տերմինը	Միջնադարյան տերմինը (հայերեն, հունարեն, լատիներեն, արաբերեն, պարսկերեն)	Ժամանակակից հայերեն տերմինը	Հիվանդությունը
Boraginaceae	1. Lithospermum officinale L.	ղուլղ قلب	բարասերմնիկ	բրոնխիալ ասթմա, պոլիպ, երիկամի քար
	2. Anchusa tinctoria L.	շոնճար شندجار	շիխար	արդանդի ուռուցք, երիկամի քար
	3. Heliotropium europaeum L.	սամիր համայ صامر يوميا	արեաղեմ, արեաղարձ, խամբար	ուղեղի բարորակ ուռուցք երկխաների մոտ
Cucurbitaceae	1. Bryonia alba L.	ֆաշորայ فاشور	լոշտակ	էպիլեպսիա, միգրեն, մաշկի և ներքին օրգանների ուռուցք
	2. Ecballium elaterium (L.) Rich.	դասայ րլ հիմար قاثا: الحمار	խշավարոնդ, էլաստիկ վարունդ	հիպերտոնիա, միգրեն, նեֆրիտ, ուռուցք
Fabaceae	1. Psoralea bituminosa L.	արնֆիկ (լատ. էրիզանկա-ից)	կպրարույր երեքնուկ	էպիլեպսիա
	2. Glycyrrhiza glabra L.	մաաու-աակ, մարուխ, սուս سوس	մաաու-աակ, մարուխ	նեֆրիտ, չղաձկում, ցնցումներ, թոքերի, լյարդի և երիկամի հիվանդություն
Ranunculaceae	3. Trigonella corniculata L.	հանդաղուլ حذاقوق	վալրի ապույա	էպիլեպսիա, նեֆրիտ
	Nigella sativa L.	սև գնաֆիկ, շոնիչ شونيز	սև սնդիկ	բրոնխիալ ասթմա, նեֆրիտ, երիկամի քար
Zygophyllaceae	1. Tribulus terrestris L.	սաաաաչ, հաաակ حساك	սաաաաչ	բրոնխիալ ասթմա, երիկամի քար, ներվային համակարգի հիվանդություններ
	2. Peganum harmala L.	հարմալ, սպանդ حرميل	սպանդ	էպիլեպսիա, ռադիկուլիտ

Հայ միջնադարյան բժշկության մեջ կիրառվող անախտորսիկ զեղարույաներ

Բուսաբանական ընտանիքը	Ժամանակակից լատիներեն տերմինը	Միջնադարյան տերմինը (հայերեն, լուսարեն, լատիներեն, արաբերեն, պարսկերեն)	Ժամանակակից հայերեն տերմինը	Հիվանդությունը
Apiaceae	1. Ferula galbaniflua Boiss. 2. Opopanax chironium Koch 3. Eryngium campestre L.	զինայ دق հաւշիր جاورش երնջան, դարսանաթ قرصند	բազրան, բարկձատ հաւշիր երնջան, երնջնակ	Լպիկեպսիա Լպիկեպսիա Լպիկեպսիա
Araceae	Acorus calamus L.	ակիր, բազրտակ, փան روح	ակիր, խնկեղեղ	սկզբոք, Լպիկեպսիա Եղնջատենդ, ուռուցք
Aristolochia- ceae	Aristolochia rotunda L.	զրեանդ մուտահրտ زرافند مدحرج	սզանդ բոլորաձև, զրեանդ կլոր	բրոնխիալ ասթմա, ուռուցք, միզ- րեն
Asteraceae	Calendula officinalis L.	ադարիոն اذريون	ցինդ, հրանուկ, փաղենակ	ուռուցք
Cucurbitaceae	Bryonia alba L.	ֆաշարայ فاشره	լոշտակ	Լպիկեպսիա, ուռուցք
Cuscutaceae	Cuscuta epithymum Murr.	աֆթիմոն افثيمون (լատ. Epithymum-ից)	խաթթկենի, դաշլուկ	Լպիկեպսիա, զեպրեսիվ սինդրոմ, ուռուցք
Lamiaceae	1. Lavandula stoechas L.	աստուխոտոս اسطوخودس (հուն. στενχειδον-ից)	Եղնախոտ	Լպիկեպսիա, սկզբոք, զեպրեսիվ սինդրոմ
Polyporaceae	2. Sideritis syriaca L. Polyporus officinalis L.	դուստուն (լատ. Cestrum-ից) դարիկոն غاريقون (լատ. Agaricum-ից)	դողոշբույս դարիկոն, թնուպի	Լպիկեպսիա, շիզոֆրենիա, ու- ռուցք
Zygophyllaceae	Tribulus terrestris L.	տատաշ, հասակ حساك	տատաշ	Լպիկեպսիա, բրոնխիալ ասթմա

ակիրը — *Acorus calamus* L., բուրբակ աղանգը (զրևանդ մուտահրաճ) — *Aristolochia rotunda* L.¹ տոնուսը բարձրացնող հատկությունները նշված դեղաբույսերը հնում կիրառվել են բոլոր այն հիվանդությունների բուժման համար, որոնք զուգորդվում են ինտոքսիկացիայի և սենսիբիլիզացիայի երևույթներով. օրինակ՝ բրոնխիալ ասթման, հղնջատենդը, էպիլեպսիան և շարորակ ուռուցքները: Ըստ արդի գիտության տվյալների, այս խմբի դեղաբույսերը հարուստ են եթերային յուղերով, ստերոյիդ գլյուկոզիդներով և ալկալոյիդներով, կուամարիններով, ֆուրոկուամարիններով ու սրանց ածանցյալներով, որոնք օժտված են հակաբորբոքային, հակաալերգիկ և հակասկզբուտիկ հատկություններով: Բացառված չէ, որ վերոհիշյալ խմբի անտիտոքսիկ ու դեսենսիբիլիզացնող ակտիվության էքսպերիմենտալ և կլինիկական ուսումնասիրությունը՝ ժամանակակից մեթոդներով, արդյունավետ կլինի:

Այսպիսով, միջնադարյան հայ դեղագիտության համար բնորոշ էին բարդ դեղատոմսեր, որոնց բաղադրամասերն էին մանրէասպան, հակաբորբոքային, հակաալերգիկ, հորմոնանման, անտիտոքսիկ և տոնուսը բարձրացնող հատկություններով օժտված դեղաբույսեր: Ելնելով հիվանդության բնույթից ու դերիշիտող ախտանշաններից, դեղատոմսերի բաղադրամասերը ձևափոխության էին ենթարկվում, նրանց մեջ էին ներմուծվում ցավամոքոչ, հիպոտենզիվ, սեդատիվ, հակացնցումային և սպեցիֆիկ այլ կոմպոնենտներ: Ամեն մի դեղաբույսի համար բժշկարանում նշվում էին նրա փոխարինիչներն ու համանման դեղամիջոցները:

Պետք է նշել նաև, որ դեղատոմսերում բույսերից բացի հաճախ առկա են կենդանական ծագում ունեցող (հյուսվածքային, ֆերմենտային) և անօրգանական բնույթի դեղամիջոցներ (մետաղներից ու մետաղակերպերից՝ Ca, Zn, Fe, Pb, S, As, Si և սրանց բարդ միացությունները, թանկարժեք քարերից՝ մարգարիտը, զմրուխտը, սաթը, մարջանը և այլն): Ըստ որում, եթե կենդանական բնույթի պրեպարատները (կաքավի լյարդը, աքիսի ուղեղը, նապաստակի խաղածը, մուշկը, կղբու ձուկը) հիմնականում կիրառվում էին իրեն անտիտոքսիկ, հորմոնալ և տոնուսը բարձրացնող դեղամիջոցներ, ապա անօրգանական դեղանյութերը հանդես էին գալիս իբրև անտիսեպտիկ, հակաբորբոքային, հակաալերգիկ և հակաուռուցքային դեղեր:

Անօրգանական բնույթի պրեպարատներից միջնադարյան բժշկության մեջ հատկապես մեծ ձանաչում ուներ հայկավը—*Bolus armena*: Վերջինս հարուստ էր երկաթօքսիդով և ալյումոօքսիդային կապակներով ու մտնում էր արարական ու եվրոպական ֆարմակոպեաները, հետագայում միայն դիջելով իր տեղը նորագույն քիմիոպրեպարատներին:

Միջնադարյան հայ բժշկության մեջ մեծ դեր էր խաղում նաև սննդաբուժումը, որը կազմում էր հայ բժշկապետների կողմից մշակված կոմպլեքսային բուժման անբաժանելի մասը:

Վերևում ասվածը հաստատելու համար կրկին դիմենք մեր բժշկապետների գործերին: Այսպես, օրինակ, Մխիթար Հերացին¹² իր «Ջերմանց մխիթարություն» գրքում թոքախտի կամ «հալեմաշ ջերման» բուժման համար

¹² Մխիթարայ բժշկապետի Հերացու Ջերմանց մխիթարություն, էջ 43:

խորհուրդ է տալիս օգտագործել հետևյալ դեղատոմսերը. «Առ գառնալեզու երեք դրամ, հայկա՝ շորս դրամ. վարդի կոնգմեն յիստկած՝ վեց դրամ, սեր-
կելի կուտ յիստկած. դդմի հունդ յիստկած, փիփրեմի հունդ՝ վեց-վեց դրամ,
մարութի քամուքսն՝ տասն դրամ, տաճիկ կուղ. քիթրայ և նշայ՝ երեք-երեք
դրամ, սեխի կուտ՝ եօթն դրամ. դայւ ամէնս աղա և մաղէ և շաղվէ պղրոատունի
յուապով և դուրսեր արա և ի շքի շորացուր և տուր աղցած և մաղած մի մթխա
քաղցր նռան ջրով և խիարի ջրով անօթեց. օգուտ հալեմաշ ջերմանն և այն ջեր-
մանն, որ սիւ կոշիւ եւ կերակուր մաշ տուր և դդում և վլիտոն և թաղթ, որ
լինի նշի ձիթով: Եւ երբ ծարաւենայ, քաղցր նռան ջուր տուր»: Այլ տեղում էլ
նա գրում է. «Եւ կերակուր դդմի մուղավարայ և սպանախ կերցուր և թաժայ
ծուկ խոբված և քան զամենայն ինչ օգուտ խաշափարն, որ գարեջրով լինի
և փած»¹³:

Ամիրդովլաթ Ամասիացին¹⁴ «Ուսումն բժշկութեան» գրքի մեջ բրոնխիալ
ասթմայի բուժման համար առաջարկել է հետևյալ դեղատոմսը. «Առ վարդ՝
Գ(3) դրամ և մատուտակ՝ Ե(5) դրամ, ծոր՝ Ա(1) դրամ, ըռեանդ և մաղտաբէ
և զաֆէթի քամուքսն և օշինտրի քամուքսն և սնպուլ և անիսոն և ըռաղիան
մէկ ու կէս-մէկ ու կէս դրամ, զաֆրան՝ Դ(4) կուտ, զամիս և քիթրայ և
բոուպիսուս և խուպաղի հունտ՝ Ա-Ա(1-1) դրամ. աղա և մաղէ և զուրս արա
և տուր ժմուն Բ(2) դրամ»:

Նույն աշխատության մեջ¹⁵ էպիլեպսիայի (ընկնափորության) բուժման
համար խորհուրդ է տրվում այսպիսի դեղատոմս. «Եւ նուաստ ծառայ Ամիր-
տովլաթն փորձեցի տղայոց ցաւուն զայս. առի զըռեանդ Բ(2) դրամ և դեզին հա-
լիլայ՝ Բ(3) դրամ և շոր գինձ՝ Դ(4) դրամ և մաղտաբէ՝ Դ(4) դրամ. մա-
նուն արի և տուի յաւուրն Բ(2) դրամ մինչ ի Դ(4) դրամ. օգտեց աստուծով:
Ըննդարութման հիմնական կանոններն էպիլեպսիայի դեպքում պահանջում
էին, ըստ Ամիրդովլաթի, հետևյալը. «Կերակուր քիչ տուր և զայն իրվին, որ
սարինն յաւելցնէ քիչ տուր, որ է ոշխրի միսն և հաւկթի դեղնուց, և գինի և
քաղցր կերակուր մի ուտէր... և ի հարբածութենէ և ի շատ ուտելու պատ-
րաստէ»¹⁶:

Աչքի չարորակ ուռուցքի բուժման համար Ամիրդովլաթ Ամասիացին
խորհուրդ է տվել օգտագործել հետևյալ դեղատոմսը. «Առ թութիայ և շատ-
նաճ և նշայ և մամիսայ և վարդ և մուռ և մարդարիտ անծակ. զամէնն ծեծէ
և մաղէ և յաշքն քաշէ»:

Խաղիկուլիտի դեպքում նա առաջարկել է. «Առ ֆարֆիոն Ա(1) մթխալ
և սլախրու հրագու՝ Ը(8) դրամ, այրած այրասայ՝ է(7) դրամ և նարդի ձէթ՝
Ա(1) նուկր. զամէնն որպէս մորհամ արա և կղբու ձու այլ խառնէ Դ(4)
որամ և օծէ ի վերայ ցաւուն»¹⁸:

¹³ Նույն տեղում, էջ 46:

¹⁴ Ամիրդովլաթ Ամասիացի. Օգուտ բժշկութեան, էջ 231:

¹⁵ Նույն տեղում, էջ 166:

¹⁶ Նույն տեղում, էջ 163—164:

¹⁷ Նույն տեղում, էջ 207:

¹⁸ Նույն տեղում, էջ 435:

Հայ միջնադարյան դեղատան հարուստ շտեմարանից ազատորեն օգտվելու համար պահանջվում էին ոչ միայն բժշկի փորձն ու ներքնազգացումը, այլ բուսաբանի, կենդանաբանի և բիմիկոսի բազմադան դիտելիքները: Այս բոլոր արժանիքները ներդաշնակ ձևով համաձուլվել են հայ մեծ բժշկապետ Ամիրդովլաթ Ամասիացու մեջ, որի ստեղծագործություններն և հասկացն «Ինգիտաց անպէտ» զիրքը հայ միջնադարյան դեղագիտության կատարյալ հանրագիտարան է. որ հավաքված են համապատասխան տեղեկություններ ավելի քան 3700 դեղաբույսերի, կենդանիների և հանքանյութերի վերաբերյալ:

ЛЕКАРСТВОВЕДЕНИЕ В ДРЕВНЕЙ АРМЕНИИ

С. А. ВАРДАНЯН

(Резюме)

В средневековой армянской медицине в качестве лекарственных средств использовались вещества природного происхождения: растения, органы и ткани животных, а также минералы, причем фитопрепараты занимали ведущее положение в сложных прописях рукописных лечебников — «бжшкаранов». Выдающиеся армянские врачи Мхитар Герацци, Амирдовлат Амаснаци и другие разработали комплексное лечение болезней фитопрепаратами, тканевыми, органами и ферментативными препаратами, а также химиопрепаратами, дополненное мероприятиями диетического характера и основанное на принципах этиопатогенетической и симптоматической терапии.

Большинство растительных и часть неорганических препаратов, использовавшихся в средневековом лекарствоведении, относятся к бактерицидным, противовоспалительным и противоаллергическим средствам, не имеющим строго специфического характера. Лекарственные растения этого профиля происходят из эфирно-масличных семейств *Apiaceae*, *Asteraceae*, *Lamiaceae* и др., в состав эфирных масел которых входят углеводороды терпенового ряда и их кислородсодержащие производные. В прописях бжшкаранов упоминаются растительные виды, многие из которых являются продуцентами камедесмол и богаты кумарином, фурукумарином и их производными, наделенными, кроме вышесказанных, и некоторыми специфическими свойствами (гипотензивными, противовоспалительными, противосудорожными, противоопухолевыми и литолитическими) и широко применявшимися в прошлом для лечения опухолей, болезней нервной системы, а также мочекаменной болезни. В средневековой армянской фитотерапии использовались также растительные виды с гормональной активностью, а также виды, наделенные антиоксидантными и десенсибилизирующими свойствами, содержащие, помимо кумаринов, фурукумаринов и их производных, также фенолорганические кислоты, стерины, стероидные глюкозиды и алкалоиды. К

этой группе примыкают препараты животного происхождения: мускус, бобровая струя, сывороточная закваска из рубцов желудка зайца и другие.

Изучение трудов классиков средневековой армянской медицины может оказаться полезным для современной медицины, которая все более охотно обращается к сокровищнице опыта народной и традиционной медицины в поисках эффективных лекарственных средств против таких трудно поддающихся лечению недугов, как опухоли, аллергии, нервно-психические и некоторые другие заболевания.